



Coláiste Cois Life

Gleann an Ghrífín, Leamhcán

Polasaí maidir le hOideachas Sóisialta, Pearsanta agus Sláinte

| | |
|--|---|
| Ainm na Scoile: Coláiste Cois Life SEOLADH NA SCOILE 1 :Gleann an Ghrífín SEOLADH NA SCOILE 2: Leamchán SEOLADH NA SCOILE 3: Co.Bhaile Átha Cliath ÉIRCHÓID: KY78 Y330 | Uimhir Rolla: 76065H Uimhir Ghutháin: 01-6211825 Ríomhphost: eolas@colaistecoislife.ie Suíomh gréasáin : colaistecoislife.ie |
|--|---|

A : An Scoil agus a Fealsúnacht

Ráiteas Físe

Is í uaillmhian an choláiste caighdeán den scoth a bhaint amach maidir le Gaeloideachas, feasacht teanga, caighdeán müínteoireachta, imeachtaí seach-churaclam agus cultúrtha. Chomh maith leis sin is í fí an choláiste go mbeidh scoláirí Coláiste Cois Life ullamh glacadh go díograiseach leis na dúshláin a bheidh rompu sa saol amach anseo.

Ráiteas Misin

Is Coláiste Pobail LánGhaeilge ainmnithe é Coláiste Cois Life le hÉiteas Caitliceach a chuireann oideachas iomlánaíoch ar fáil do gach scoláire i dtimpeallacht shlán shábháilte ina féidir le gach scoláire a mbuanna uile a bhaint amach.

Cruthaítar suíomh foghlama ina ndéantar freastal ar chúram na scoláirí in atmaisféar iontaoibhe, dearfach, cabhrach, spioradálta agus cairdiúil. San atmaisféar seo beifear ag súil go dtiocfaidh rath ar gach scoláire ionas go mbeidh siad in ann a dtualangach a chomhlíonadh agus go mothóidh gach ball de phobal an choláiste go bhfuil siad fiúntach, tábhachtach agus go bhfuil meas orthu.

Cuirimid romhainn i gColáiste Cois Life ár scoil a reachtáil mar ionad léinn ina mbeidh traidisiúin fhiúntacha na hÉireann faoi réim, ár gcreideamh, ár dteanga, ár gceol, agus gach gné eile den chultúr Gaelach. Sa scoil cuirfidh na daltaí aithne ar ghnéithe luachmhara an tsaoil trí dhea-shampla, trí chomhairle agus trí chairdeas le foireann na scoile.

Déanaimid iarracht pearsantacht iomlán an dalta a fhorbairt, a thuiscint ar an gceart, ar an léann, ar an tsaoirse, ar an bhfeáinsmacht agus comhbhbá le daoine eile. Tuigimid a thábhachtaí is atá sé go mbeidh tuismitheoirí rannpháirteach linn agus na luachanna seo á gcur chun cinn sa scoil, sa bhaile agus sa saol.

Is le cabhrú leis na hAidhmeanna seo a chomhlíonadh a cuireadh an Polasaí seo le chéile i bpáirt le bainistíocht, foireann teagaisc, tuismitheoirí agus daltaí na scoile. Tá an polasaí ag teacht leis na hAidhmeanna seo agus le sainmheon Caitliceach na scoile agus cuireann sé ar chumas dhaltaí meon agus luachanna a fhorbairt i leith a ngnéasachta féin i gcreatlach mhorálta, spioradálta agus shóisialta. Tugnn sé an deis dóibh freisin foghlaim i dtaobh caidrimh agus gnéasachta i mbealaí a chabhraíonn leo smaoineamh agus gníomhú i mbealach freagrach.

B Scóip

Baineann an polasaí seo le gach gné den teagasc agus den fhoghlaím maidir le hOideachas Sóisialta, Pearsanta agus Sláinte(OSPS). Tarlaíonn comhphlé maidir leis an ngné seo den churaclam i ranganna eile chomh maith le hOideachas Pearsanta agus Sláinte agus OCG agus tá sé tábhachtach go mbeidh na müínteoíri ar fad chomh maith le bainistíocht, tuismitheoirí, daltaí agus aoichtainteoíri / éascaitheoirí ar an eolas maidir leis an bpolasáí.

I ndréachtadh an pholasáí seo cuireadh an reachtaíocht, treoirínté éagsúla, na polasaithe scoile agus na ciorcláin seo a leanas san áireamh chomh maith le sainmheon na scoile:

- -An tAcht Oideachais (Leas) 2000
- -Ciorclán 0043/2018, 0022/2010, 0023/2010, M4/95, M20/96 (Roinn Oideachais agus Scileanna)
- -Tús Áite do Leanaí – Treoir Náisiúnta um Chosaint Leanaí

Nósanna Imeachta maidir le Caomhnú Leanaí i mbunscoileanna agus scoileanna larbhunscoile (Roinn Oideachais agus Scileanna)

- Polasaí na Scoile maidir le Caomhnú Leanaí
- Polasaí Tréadchúraim na Scoile
- Polasaí lompair na Scoile
- Polasaí Frithmhaistíneachta
- Polasaí Oideachas Caidrimh agus Gnéasachta

C: Sainmhíniú ar OSPS

Tá an tOideachas Sóisialta, Pearsanta agus Sláinte mar chuid lárnach d'fhorbairt sóisialta agus phearsanta an dalta. Cuireann na tuismitheoirí, mar bhunoideachasóirí a bpáistí, eolas faoi seo ar fáil sa bhaile agus tacaíonn an scoil leis an oideachas seo trí ranganna a chur ar fáil a thugann deis do na daltaí tuiscint agus meon dearfach a fhorbairt i mbealach struchtúrtha ar chaidrimh dhaonna, ar ghneásacht agus ar fhéiniúlacht. Déantar seo i slí a chuireann ar a gcumas luachanna a fhorbairt bunaithe ar chreat mórlaita, spioradálta agus sóisialta.

D: Aidhmeanna ár gclár Oideachas Sóisialta, Persanta agus Sláinte

Tá an clár OSPS suite taobh istigh de chreatlach an chláir folláine agus tá na haidhmeanna seo a leanas aige;

Féinmheas agus féinmhuijnín an dalta a chur chun cinn
 Féinbainistiú a chur chun cinn
 Chun scileanna a forbairt ionas gur féidir le daltaí cinneadh freagrach a dhéanamh
 Am chun plé agus machnamh a dhéanamh
 Chun sláinte fisiciúil, intinne, mhóthúchánach agus folláine a chur chun cinn
 Cabhrú leis na daltaí cairdis agus caidrimh a thuiscint agus a fhorbairt
 Tuiscint ar an ghnéasacht a chur chun cinn
 Meon dearfach a chur chun cinn i dtaoibh a ghnéasacht sa duine féin
 agus ina chaidrimh le daoine eile
 Eolas agus meas ar an atáirgeadh a chur chun cinn

Admhaítar gur mianaidhmeanna iad seo i gcúrsa atá teoranta ó thaobh ama de.

E: Bainistiú agus eagrú Oideachas Sóisialta, Pearsanta agus Sláinte inár Scoil

Is é an Príomhoide a dhéanfaidh na socruithe maidir le múineadh an chláir agus a leagfaidh an fhoireann amach.

2. Ról na dTuismitheoirí / Aistarraingt

Is iad na tuismitheoirí príomhoideachasóirí a bpáistí agus aithníonn an scoil an ról tábhachtach atá acu san oideachas maidir le na modúil seo. Dréachtadh an polasaí seo i gcomhairle le hionadaithe na dTuismitheoirí agus cuirfear tuairimí na dtuismitheoirí san áireamh nuair a bheidh an polasaí á athbhreithniú. Cuirfear an polasaí seo ar fáil do phobal na scoile ar shuíomh idirlín na scoile. Cuirfear litir agus foirm cheada ar ag tuismitheoirí nuair a bheidh an modul OCG den chlár OSPS le tosú ag túis na sraithe sóisearaí agus arís ag túis na sraithe sinsearaí ag leagan amach na dtopaicí a chlúdófar. Cuirfear in iúl dóibh freisin go bhfuil sé de cheart acu a bpáiste a aistarraingt ach go gcaitfear seo a chur in iúl i scríbhinn. Pléifear go tuisceanach le haon bhuairt nó imní a léirítear.

Cuirfear socruithe cuí i bhfeidhm do dhaltaí a aistharaingítear. Ag an am céanna cinnteofar nach mbaintear an bonn den chlár OCG agus teidlíocht na ndaltaí eile .

3: Comhairle a chur ar fáil

Is é ról na scoile ná oideachas ginearálta a chur ar fáil i dtaobh cúrsaí gnéasachta agus ní comhairle ná eolas, ná stiúradh a thairiscint don duine aonair. Tabharfar faisnéis ar fhoinsí eolais agus comhairle ghairmiúil, áfach, nuair is cuí.

4. Saincheisteanna

Tharlódh nach mbeadh sé oiriúnach déileáil le ceisteanna neamhbhalbha áirithe sa rang. Tá cead ag múinteoirí a rá nach cuí déileáil leis an gceist sin ag an am seo. Má thagann immí ar mhúinteoir faoi aon ní a ardaíodh ba cheart dó/di comhairle a lorg ón gComhordaitheoir OSPS nó ón bPríomhoide. Agus é/i ag socrú ar cheisteanna a fhreagairt nó gan a fhreagairt ba chóir dó/di aois agus inmhe na scoláirí, an t-ábhar atá sa chlár OSPS, saimheon na scoile, agus an polasaí OSPS a chur san áireamh.

5: Rúndacht

Is é polasaí na scoile é go gcaithfidh múinteoir dul i gcomhairle láithreach leis an Duine Idirchaidreamh Ainmnithe (an Príomhoide) má mheastar go bhfuil dalta i mbaol mí-úsáide de chineál ar bith nó ag sárú an dlí. Cinnfidh an Príomhoide ar na tuismitheoirí agus/nó na húdaráis chuí a chur ar an eolas nó gan iad a chur ar an eolas de réir na Nósanna Imeachta maidir le Caomhnú Leanaí i mBunscoileanna agus i Scoileanna larbhunscoile (An Roinn Oideachais agus Scileanna) 4.1.1 agus 4.1.2.

Tá an méid seo leanas ina pholasaí scoile chomh maith:

- Ní féidir le múinteoirí rúndacht gan choinníoll a gheallúint.
- Cuirtear in iúl do dhaltaí go bhféadfaí teagmhas ar bith a chur in iúl don Phríomhoide nó do thuismitheoirí, b'fhéidir, má chineann an Príomhoide go bhfuil sé chun leasa an dalta é a chur in iúl do thuismitheoir.
- Caithfidh múinteoirí a chur in iúl do dhaltaí go soiléir nuair nach féidir ábhar chomhrá a choimeád faoi rún.

6: Gnéithe Bitheolaíochta den Chlár

-Is é polasaí na scoile é go ndéileálann Roinn na hEolaíochta go príomhúil le saineolas ar gnéithe bitheolaíochta an atáirgthe.

Feidhm a bhaint as aoichainteoirí agus eile

- Is é polasaí na scoile é gur fearr an chuid is mó den chlár OSPS a phlé go hosailte le múinteoirí a bhfuil aithne ar na daltaí orthu agus muinín acu as/aisti. Is féidir le cuairteoirí caighdeán an tsoláthair a fheabhsú, áfach, chomh fada agus a úsáidtear iad i dteannta chláir phleanáilte OSPS, ní ina ionad.
- Má shocraítear ar aoichainteoir seachtrach nó ceardlann seachtrach a chur ar bun ar ghné den chlár, caithfidh an múinteoir an treoir atá leagtha amach d'aoichainteoirí a leanacht agus cead a fháil ón bPríomhoide roimh ré.
- Cuirfear tuismitheoirí ar an eolas i scríbhinn maidir leis an aoichainteoir / ceardlann seachtain roimh ré.
- Cinnteoidh an múinteoir go bhfuil ábhar na cainte aois-oiriúnach agus ag teacht leis an gclár don OSPS.

- Cuirfear cuairteoirí ar an eolas faoin bpolasáí OSPS agus faoi shainmheon na scoile agus an modh ina chuirtear an clár OSPS i láthair sa scoil. Beidh an múinteoir i láthair don chaint in éineacht leis an aoichainteoir.
- Chun eolas cruinn a thabhairt don chuaireoir faoi riachtanais an ghrúpa agus chun an leas is fearr a bhaint as an am, tá sé inmholta an ceisteanna a leagadh amach roimh ré agus iad seo a chur ar aghaidh chuig an gcuaireoir. Cuimseoidh sé seo na daltaí sa chaint agus éascaíonn sé an phleanáil chomh maith.

8: Riachtanais Speisialta

Tharlódh go mbeadh daltai le riachtanais speisialta a mbeadh gá acu le cabhair níos mó agus iad ag foghlaim faoin saghais iompair atá oiriúnach agus iad ag déileáil leis na gnéithe fisiciúla agus mothúchánacha den chlár seo.

Le cead na dtuismitheoirí, cuirfear an tacaíocht agus an chabhair seo ar fáil le hiad a ullmhú don saol agus le hiad a chur ar a n-aire maidir le mí-úsáid ag daoine eile.

9: Pleanáil Clainne / Sláinte Ghnéis

Déileálfar leis an bpleanáil clainne i mbealach aois-oiriúnach agus breithneofar gach gné den cheist go hoscaillte.

Cuirfear eolas aois-oiriúnach ar fáil sa tsraith shinsearach maidir le nósanna sábhálte gnéis agus ionfhabhtuithe gnéas-tarchurtha.

G Soláthar an Chláir sa scoil

Cuirtear rang den OSPS ar fáil do gach bliain ghrúpa sa scoil sa tSraith Shóisearach agus sa tSraith Shinsearach. Beidh rang OSPS ag an idirbhliain agus mar chuid den rang gairmtreorach i mbliain a cúig agus a sé cuifear OCG ar fáil dóibh.

H Tacaíocht, forbairt agus athbhreithniú leanúnach

Oiliúint

Ní gá go mbeadh na múinteoirí go léir atá gafa leis an obair seo ina saineolaithe i dtaobh na gceisteanna a bhaineann leis an ábhar seo. Is gá, áfach, go mbeidís íogair do riachtanais an ghrúpa, go mbeadh sé ar a gcumas déileáil le ceisteanna go hoscaillte agus go macánta laistigh de shainmheon na scoile agus i gcomhthéacs grá Dé agus go mbeidís toilteanach comhairle agus oiliúint a fháil.

Éascóidh an scoil do na múinteoirí sainoiliúint a fháil sa réimse seo trí chur ar a gcumas freastal ar chúrsaí inseirbhise.

Ní chuirfear OSPS ar chlárama múinteora gan dul i gcomhairle leis an múinteoir ar dtús.

Tabharfar deis do na múinteoirí cruinnithe a bheith acu leis an gclár a phleanáil agus le saineolas a roinnt.

Acmhainní

Ceannóidh an scoil ábhair chuí do mhúineadh OSPS atá sainaitheanta ag an bhfoireann mar ábhair úsáideacha agus atá faofa ag an bPríomhoide, laistigh den ghnáthbhuiséad agus de réir mar a cheadaíonn acmhainní ginearálta na scoile é.

Monatóireacht, measúnú agus athbhreithniú an chláir OSPS

Táimid tiomanta do mhonatóireacht agus measúnú éifeachtach an chláir seo. Déanfar an mhonatóireacht agus measúnú trí:

- -aiseolas ó dhaltaí

- athbhreithniú agus aiseolas ón bhfoireann teagaisc
- -aiseolas ó thuismitheoirí

Modúil

1: Muintearas agus Imeascadh

2: Féinbhainistíocht

3: Scileanna Cumarsáide

4: Sláinte Fhisiceach

5: Cairdeas

6: Caidrimh agus gnéasacht

7: Sláinte Mhothúchánach

8: Tionchair agus Cinntí

9: Úsáid Substainí

10: Sábhálteacht Phearsanta

Moltar athbhreithniú a dhéanamh ar an mbeartas seo gach trí bliana nó nuair a mheasann an Bhainistíocht Scoile go bhfuil sé riachtanach.

Ghlac Bord Bainistíochta Coláiste Cois Life leis an bpolasaí ar an 29 Samhain 2021.

Síniú: *Dónal de Réiste*

Dáta: 29/11/2021

Cathaoirleach an Bhoird Bhainistíochta

Síniú: *Tomás Ó Donnagáin*

Dáta: 29/11/2021

Rúnaí an Bhoird & Príomhoide na Scoile